

Z A B I L J E Š K A

O

IZJAŠNJENJU ČLANOVA KOMISIJE ZA IZBOR I IMENOVANJA ZA ČLANA PREDSJEDNIŠTVA SKUPŠTINE SAVEZA OPĆINA I GRADOVA FBiH (3. sjednica)

Na sjednici Komisije za izbor i imenovanja, održanoj 08.01.2013. godine razmatrani su, između ostalog, prijedlozi kandidata za članove Predsjedništva Skupštine Saveza općina i gradova FBiH. Komisija je donijela zaključak da se za člana Predsjedništva Saveza, ispred Unsko-sanskog kantona, predloži Nermin Ogrišević, načelnik Općine Cazin, rukovodeći se činjenicom da je su za ovaj prijedlog uputile općine Cazin, Bosanska Krupa, Bosanski Petrovac i Ključ, kao i da je Nermin Ogrišević već treći mandat načelnik Općine i da je dobro upoznat sa radom Saveza općina i gradova FBiH.

Na sjednici Predsjedništva Skupštine Saveza općina i gradova FBiH, održanoj 10.01.2013. godine, usvojen je Zaključak Komisije za izbor i imenovanja i u Predsjedništvo Saveza predložen Nermin Ogrišević. Načelnik Općine Bužim uputio je Savezu dopis (br. 02-05-170/13 od 14.01.2013. godine) u kome se traži preispitivanje odluke Komisije i Predsjedništva zbog činjenice da je na sastanku općina sa područja Unsko-sanskog kantona Općina Bužim, odnosno njen načelnik (Agan Bunić) predložen za člana Predsjedništva Saveza.

S obzirom na činjenicu da se Komisija za izbor i imenovanja nije mogla sastati, koristila je metod pismenog izjašnjavanja članova koji su bili na sjednici 08.01.2013. godine.

Pregled pismenog izjašnjavanja:

1. JOSIP VIDOVIĆ

Poštovani,

Ne ulazeći u razloge ovakvog proturječnog stava navedenih općina prilikom kandidature predstavnika u tijela Saveza općina i gradova, na temelju dosadašnjeg rada i ostvarenih rezultata, izražavam bezrezervnu podršku i svoj glas dajem za gospodina Nermina Ogriševića.

Sa štovanjem, **Josip Vidović**

2. NUSRET HELIĆ

ja smatram da smo dobro postupili kad smo predložili načelnika Ogriševića u predsjedništvo Saveza i da je kvalitetniji i iskusniji od Bunića ostajem kod svog prijedloga pozdrav **Helić**

3. MELIHA BEŠIREVIĆ

dostavljam Vam dopis u kome podržavam mišljenje i odluke Komisije za izbor i imenovanje održanoj 08.01.2013. godine Saveza općina i gradova **Meliha Beširević**.

4. NERMIN OGRIŠEVIĆ

U vašem e-mailu, koji ste mi uputili 23.01. tekuće godine ste zatražili moj stav po pitanju kandidatura koje su razmatrane na sjednici Komisije za izbor i imenovanje, kao i dopisa načelnika općine Bužim u kojem se kao argument navodi sastanak općinskih načelnika sa područja USK-a, održan 23. 11.2012. godine.

Moram napomenuti da je navedeni sastanak sazvan netransparentno, kao da me lično o terminu istog niko nije kontaktirao. Iz tih razloga nisam bio u prilici prisustvovati istom, kao uostalom u većina drugih načelnika sa područja USK-a. Također, na sastanku nisu utvrđeni nikakvi kriteriji o tome ko i na koji način treba predstavljati Unsko-sanski kanton u tijelima Saveza.

Imajući u vidu sve gore navedeno, a u kontaktu sa načelnicima općina koje su u daljnjem postupku istakli moju kandidaturu cijeneći moje reference i činjenicu da sam na neposrednim demokratskim izborima po treći put dobio povjerenje građana Cazina, zaključio sam da pomenuti postupak nije korektno proveden, te lično i kao član komisije ostajem pri svojem stavu po ovom pitanju, koji sam i iznio na sjednici komisije.

Organi Saveza su zaprimili pismene candidature od strane općina koje su članice saveza, u skladu sa procedurom predviđenom Statutom Saveza, te u skladu sa tim pismenim prijedlozima i trebaju donijeti odluke.

Mr. Nermin Ogřešević

5.IVAN STOJIC

Kao ovlaštení predstavnik, potvrđujem svoj stav iznesen na sjednici Komisije za izbor i imenovanje, te ostajem kod prijedloga da za člana Predsjedništva Saveza ispred Unsko-sanskog kantona predložim gosp. Nermina Ogřeševića, načelnika općine Cazin.

Po ovlaštenju

Ivan Stojic

6.DRAGOMIR LUČIC

Predlažem da oba kandidata za člana predsjedništva Saveza budu predočena Skupštini, te da skupština odluči o izboru člana predsjedništva Saveza.

Općina Kiseljak

Dragomir Lučić, tajnik općine